



Javno preduzeće »Šume Tuzlanskog Kantona« dioničko društvo Kladanj

Ulica Fadila Kuratgića br. 1, 75280 KLADANJ
Tel., centrala: 035 621 212, fax: 035 621 075
e-mail: jpsumetk@bih.net.ba

VAŽNO JE DA ZNATE ...

ŠTA JE CERTIFICIRANJE GOSPODARENJA ŠUMSKIM RESURSIMA?

Certificiranje je relativno nov koncept unaprijeđenja kvaliteta gospodarenja šumskim resursima koji se u potpunosti zasniva na principu dobrovoljnosti. Smisao bilo kojeg oblika certificiranja sastoji se u obezbjeđivanju potvrde da je nešto (proizvod, usluga ili proces) urađeno na propisan način.

Pod certificiranjem gospodarenja šumskim resursima podrazumjeva se procedura, u kojoj neovisna institucija za certificiranje izdaje preduzeću šumarstva pismenu potvrdu - sertifikat, da su performanse gospodarenja koje se provode na određenom šumskom području, usklađene sa unaprijed definiranim, međunarodno priznatim standardima.

ŠTA SE POSTIŽE CERTIFICIRANJEM GOSPODARENJA ŠUMSKIM RESURSIMA?

Dva su ključna efekta koji se postižu certificiranjem gospodarenja šumskim resursima:

- Unaprijeđenje performansi poslovanja, sa ciljem dostizanja održivog gospodarenja šumskim resursima.
- Povećanje konkurentskih sposobnosti poduzeća šumarstva kroz očuvanje stabilne pozicije na postojećim i bolji pristup novim i atraktivnim tržištima.

Pored navedenih efekata, certificiranjem se postiže transparentnost poslovanja šumarskih poduzeća i unapređuju odnosi sa javnošću, poslovnim partnerima, krajnjim kupcima i ostalim interesnim grupama. Proizvodi koji potiču iz šuma u kojima su performanse gospodarenja certificirane kao održive, označavaju se na jedinstven i prepoznatljiv način tako da ih krajnji potrošači mogu uočiti, razlikovati i kupiti.

JP „Šume Tuzlanskog kantona“ DD Kladanj se opredjelilo za nastavak posjedovanja FSC sertifikata pa je menadžment preduzeća donio Odluku o recertifikaciji državnih šuma sa kojima preduzeće gospodari. JP „Šume Tuzlanskog kantona“ DD Kladanj će uskladiti sve aktivnosti gospodarenja šumskim resursima sa principima i kriterijima međunarodno priznatog programa certificiranja FSC (Forest Stewardship Council). Sa 04. 08. 2026. godine ističe važenje sertifikata. U periodu važenja sertifikata 04. 08. 2021. – 04. 08. 2026. godine Preduzeće je uspješno prošlo sve provjere poštivanja FSC principa od strane akreditovanog certifikatora SGS a što potvrđuje Web portal FSC-a.

ŠTA JE FOREST STEWARDSHIP COUNCIL I STANDARDI FSC ?

FSC je međunarodno tijelo koje pojedinim institucijama za certificiranje daje dozvolu za izdavanje FSC sertifikata i na taj način garantuju autentičnost njihovih nalaza. Cilj FSC programa je da promovira ekološki odgovorno, društveno korisno i ekonomski održivo gospodarenje šumskim resursima. Certificiranje po FSC programu podrazumijeva zadovoljavanje unaprijed definiranih standarda održivog gospodarenja šumama. FSC standardi su eksplicitno izraženi u formi principa i kriterija, čija primjena podrazumijeva poštivanje državnih i međunarodnih zakona i odredbi.

<u>Princip 1</u> Usklađenost sa zakonima	Organizacija mora poštivati sve primjenjive zakone, propise i međunarodne ugovore, konvencije i sporazume.
<u>Princip 2</u> Prava radnika i uvjeti zapošljavanja	Organizacija mora održavati ili unaprjeđivati socijalnu i ekonomsku dobrobit radnika.
<u>Princip 3</u> Prava starosjedilačkih naroda	Princip nije primjenjiv u Bosni i Hercegovini.
<u>Princip 4</u> Odnosi sa lokalnom zajednicom	Organizacija mora doprinjeti održavanju ili poboljšavanju socijalnog i ekonomskog blagostanja lokalne zajednice.
<u>Princip 5</u> Koristi od šume	Organizacija mora učinkovito upravljati širokim rasponom proizvoda i usluga na šumskom području kako bi se održala ili povećala dugoročna ekonomska održivost i raspon socioloških i ekoloških koristi.
<u>Princip 6</u> Okolišne vrijednosti i uticaji	Organizacija mora održavati, očuvati i/ili obnavljati ekosistemske usluge i vrijednosti okoliša šumskog područja i izbjegavati, ispraviti ili ublažavati negativne uticaje na okoliš.
<u>Princip 7</u> Planiranje gospodarenja	Organizacija mora imati plan gospodarenja u skladu sa svojim politikama i ciljevima i proporcionalnom stepenu, intezitetu i rizicima od aktivnosti gospodarenja. Plan gospodarenja mora biti proveden i ažuriran na osnovu podataka monitoringa u cilju promoviranja prilagodljivog gospodarenja šumama. Dokumentacija koja se odnosi na planiranje i procedure mora biti dovoljna jasna i primjenjiva za uposlenike, za informiranje pogođenih interesnih grupa i zainteresovanih interesnih grupa i opravdati odluke gospodarenja.
<u>Princip 8</u> Monitoring i procjena	Organizacija mora dokazati da se napredak prema postizanju ciljeva gospodarenja, utjecaji aktivnosti gospodarenja i stanje šumskog područja prate i ocjenjuju proporcionalnostepenu, intezitetu i riziku aktivnosti gospodarenja, u cilju provođenje prilagodljivog gospodarenja
<u>Princip 9</u> Visoke zaštitne vrijednost	Organizacija mora održavati i/ili poboljšati visoke zaštitne vrijednosti na šumskom području kroz primjenu načela predostrožnosti.
<u>Princip 10</u> Implemetacija aktivnosti gospodarenja	Aktivnosti gospodarenja koje se provode od strane Organizacije na šumskom području moraju biti odabrane u skladu sa ekonomskim, ekološkim i sociološkim politikama i ciljevima Organizacije i kolektivno u skladu sa principima i kriterijima.

JP „Šume Tuzlanskog kantona“ DD Kladanj na ovaj način obavještava sve svoje uposlenike kao i ostale zainteresirane strane da će se u narednom periodu provoditi aktivnosti recertificiranja gospodarenja šumskim resursima na području državnih šuma Tuzlanskog kantona, te da će akreditovana institucija za certificiranje obavljati procjenu svih dokumenata, procedura i aktivnosti koje se odnose na gospodarenje šumskim resursima.



DIREKTOR

Huskić Almir, dipl.ing, šum.

Almir